

## **E čhavorrenqe jakha**

E čhavorrenqe jakha den udud  
Sar e javinaqi čexrain  
savi sikavel o drom  
kotar te irinen pe e bakre.

E čhavorrenqe jakha den udud:  
aj den zor p-o pačapen  
savo lokhărel e asia  
aj e dukha amare.

E čhavorrenqe jakha den udud:  
on si i dikhavlin e kamimnasqi  
maškar dad aj dej.  
Vi on jekh dės dad aj dej ovèna,  
thaj lenqe čhavenqe jakha udud dena.

Poezie de Nina Vinkova ( Rusia)

Text cules din Manualul de Limba Romani, Editura Didactica si Pedagogica R.A. Bucuresti –  
1994, Gheorghe Sarau